

тѡм же Ром^ш, иже наречется Рим создавшему, за его соименитие града имяше. Март нарековася вины ради таковыя: той Ром нарече*: «созижду жертвище мужское в месяц примов*», и той* совершив и обновление Риму сотвори, и нарекова того месяца март, еже есть ^щеллински Арес^ы, чтый по нем о сем бога своего. И да не преступиша слово протяжу, сей
 а. 10 наречен бысть март, еже есть пролетний месяц, сииречь совершен. Яко // первые того феуралю недоставшу и о нем непшующу, господу богу приточно во святом еуангелии рекшу, яко «Аще не прекратилися дние они, не бы спаслася всяка плоть», сего ради пролетие в месяце марте уставися сиче.

И гда* нача святыи Стефан, пермьскый епископ, во всей стране Великопермьстей зырян же и пермян святым крещением крестити; и первую в Перми постави церковь во имя владычицы нашея Богородицы, честнаго и славнаго ея Благовещения, на месте нарицаемом на Усть-Выми^з, идеже Вым река своим устьем вошла в Вычегду реку. Последи же устроена бысть обитель болшая, по сем же и епископия его наречеся. И честнейший святыи Стефан, епископ Великопермский, по круговом сей святыи начальный день и праздник устави праздновати Благовещения пресвятыя Богородицы месяца марта в 25 день. И прорече святыи
 а. 10 об. повопросвященным христианом, // яко сий праздник начало есть всем праздником великим господьским, яко сий есть начало спасения нашего, ему же и тропарь послушествует настоящий, рекый: «Днесь спасения нашего начаток».

Сей^ю есть месяц март, начало всем месяцем, иже первый наречется в месяцах, ему же свидетельствует Моисей законодавец, глаголя: «Месяц же вам первый в месяцах да будет март».

Иже во святых отца нашего Софрония премудраго патриарха Иерусалумского, еже он святыи еллинския книги преложи на христианския, полезны же суще и самом тем венец и багряницу носящим, им сия разумети. Потом же и всем человеком полезнейши сия вещь и поспешнейша всем, нам же и паки православным христианом, чтобы своих христианских законов и преданий святых и богоносных отец наших, на всех
 а. 11 седми вселенских соборах соше // дшихся, и во всяких богодухновенных артикулах во весь род человеческий от всяких еретических и схизматических^я умышлений их нам буди во веки отвращатися и паки их во всем обличати.

Вам^{п. а} же, о премудрая моя чада, господине мой брате кур Иоанне писарю градский, и протчии брат наю Захарий, сожителствуя с вами во граде нашем, всем радоватися совершенно о Христе бозе. Разумно подобает располагати сотворенныя вся стихи, ему вседержителю богу на вся состоящая построения блага, весте убо вси вы сия да разумеют, вы же, возлюбленная чада и весь род человеческий потщитесь о сем богодухновенном расположении миротворного круга обоих великих светил на пятьсотной круг, а с пятьсотного круга на миротворный круг без всякого еретического и схизматического^б умышления.

Буди же вам сие ведуще//оваго поучения поспешных словес святых
 а. 11 об. богоносных отец наших, овых же поспешением красного разума рядником планиднаго рафелейскаго разума, яко же солнцу под землею текущу, но светлостию своею вся осиявающу темное прежде бывшее миротворение, несущу в души смущенно наказанию. Но буди исправленно^в, откуда хочещи ведати планиды и рафлии, яко же тех слову начало предлежит. Первый человек Адам роди сына Сифа. И посла бог архан-

^ш Испр. в ркп. Ромс. ^{щ-ы} Испр., в ркп. еллинския Реос. ^з Испр., в ркп. Усто-Выми. ^ю На поле помета, написанная чернилами, — лигатура зри.

^я Испр., в ркп. схиматических.

^{п. а} На поле киноварная помета — лигатура зри. ^б Испр., в ркп. схиматического. ^в На поле помета, написанная чернилами, — лигатура зри.